

Mirza Čelik, šef Kluba poslanika SDA Kantonalne skupštine Sarajevo

Sarajevo, 19.12.2016.god

PREDMET: Podrška inicijativi kreditnog zaduženja KJP "Poljoprivredno dobro Butmir" d.o.o. Sarajevo-Ilidža

Prema saznanjima koja imam, Uprava preduzeća KJP "Poljoprivredno dobro Butmir" d.o.o. Sarajevo-Ilidža već je preduzela inicijativu prema svojim organima upravljanja radi odobravanja kreditnog zaduženja preduzeća u cilju prevazilaženja već duži period prisutnog problema nelikvidnosti finansijskog poslovanja.

Naime, kao što je evidentno iz Izvještaja o finansijskom poslovanju preduzeća za 2015.godinu, neizmirene obaveze prema radnicima preduzeća i dobavljačima iznosile su preko 1.000.000 KM.

Prema trenutnim pokazateljima, uspostavljena je redovna isplata plaća sa pripadajućim porezima i doprinosima, a ranija dugovanja po osnovu neuplaćenih poreza i doprinosa regulisana su reprogramom duga sa Poreznom upravom na otplatni rok od 36 mjeseci, kojeg se preduzeće uredno pridržava.

Međutim, i pored prisutnog trenda povećanja vlastitog prihoda po osnovu prodaje vlastitih proizvoda preduzeća, usljed neredovnosti isplate podsticaja u tekućoj godini (isplaćena svega dva kvartala federalnog podsticaja), te opterećenja nastalog izmirenjem ranijih obaveza prema dobavljačima pri čemu je vrlo značajno spomenuti i prisutne blokade računa preduzeća radi izvršenja presuda zbog dugovanja iz ranijeg perioda, preduzeće će prema trenutnim pokazateljima u narednu godinu "prenijeti" približno 700.000 KM neizmirenih obaveza prema dobavljačima.

Situacija se posebno usložnjava, ako se ima u vidu stupanje na snagu Zakona o finansijskom poslovanju sa 1.1.2017.godine, koji propisuje obavezu privrednih subjekata da obaveze ugovorene nakon ovog datuma izmire u roku od 60 (šezdeset) dana, kao i računanje zateznih kamata u slučaju prekoračenja ovog roka, te prekršajnu odgovornost za pravno i odgovorno lice u takvim slučajevima. Isto tako, ovaj Zakon propisuje obavezu praćenja likvidnosti preduzeća, proglašenja nelikvidnosti u zakonom propisanim okolnostima i plaćanje samo odobrenih vrsta plaćanja za vrijeme trajanja nelikvidnosti.

Obzirom na gore navedeno, potpuno je jasno da će primjena ovog Zakona za KJP Poljoprivredno dobro Butmir d.o.o Sarajevo-Ilidža, kao i uostalom i za druga preduzeća u ovoj situaciji, donijeti nove probleme i dodatno otežati svakodnevno poslovanje.

Stoga, u potpunosti podržavam prijedlog kreditnog zaduženja od cca 600-700.000 KM na otplatni period i mjesečnu ratu kredita koja neće ugroziti redovno poslovanje preduzeća, a koje će biti usmjereno na izmirenje ranijih obaveza prema dobavljačima i u svrhu omogućavanja dosljedne primjene Zakona o finansijskom poslovanju.

Radi svega navedenog, iniciram da upravljačke strukture preduzeća hitno preduzmu sve potrebne aktivnosti kako bi se o kreditnom zaduženju mogle očitovati Vlada i Skupština Kantona Sarajevo.

MIRZA ČELIK

